



Reglement for torghandel i Stranda kommune

§ 1: Plassering

Kommunale reguleringsplanar m/vedtekter avgjer kva for offentlege plassar eller delar av offentlege plassar som skal nyttast til torghandel. Plassane skal vere oppmerka.

§ 2: Administrasjon

Torghandelverksemda blir administrert av næringsjefen eller den han/ho gir mynde.

Servicekontoret har ansvar for elektronisk opning/lukking (straum, vatn) av torget på Stranda.

§ 3: Søknad

Ein må søkje om torgplass på *fastsett skjema*. Dette er lagt ut på heimesida til kommunen, eller ein kan få det ved å ta kontakt med kommunen. Søknaden vert handsama av servicekontoret.

Søknaden skal sendast til:

Stranda kommune, Øynasenteret, Postboks 264, 6201 Stranda eller på e-post til:

post@stranda.kommune.no

§ 4: Kven som kan få løyve

Ingen må drive næringsverksemd på offentlig torg utan løyve av kommunen.

Salsplassar kan tildelast verksemder/ personar som er registrerte med føretak i Brønnøysund-registeret.

Søknad om torgplass skal skje på fastsett skjema der det skal gå fram kva type varer som skal seljast og kva tidsrom det gjeld.

Born under 16 år kan ikkje drive torghandel utan som hjelp for vaksne. Kommunen kan krevje legitimasjon.

Eit løyve kan ikkje overdragast/framleigast til andre.

§ 5: Torgavgift

Prisane skal fastsetjast av Næringsutvalet (NU), og skal regulerast ein gong pr. år.

Humanitære og friviljuge organisasjonar og lag innan kulturlivet er fritekne for betaling av avgift.

§ 6: Produkt og prioritering

Følgjande varer er kan omsetjast:

- a. Produkt *i si naturlege form* frå jord- og hagebruk, ville urter, bær blomar og liknande produkt, husflidsprodukt, lettare bijouteri/uedle smykke, teikningar, måleri, musikkassetar og varer tilverka ved eigen heimeindustri.
- b. Mat- og tradisjonsprodukt tilverka av produsentar godkjende av Bondens Marked
- c. Produkt frå fisk og skaldyr *i fersk og tilverka form*.
- d. Andre varer enn dei som er nemnde under a) eller b), loddsal og andre aktivitetar og som ikkje er omhandla i Lov om handelsverksemd.

Ved plassmangel har dei som sel varer frå eigen produksjon og som er frå Stranda kommune førsterett til plass.

Ein leigetakar kan ikkje opphalde torgplassar samanhengande i meir enn 14 dagar pr. sesong dersom det er etterspurnad frå andre om å få leige, og det ikkje er ledige plassar til desse.

§ 7: Ordensreglar og reinhald

Torghandlarar skal halde seg innafor sin tildelte plass. Dei skal sørgje for god orden på staden i salstida, og sørgje for at omgjevnadene ikkje bli påførde ulemper.

Når salstida er slutt skal varer og utstyr fjernast frå torgarealet og plassane skal vere reingjorde og rydda. Ein skal koste, og om naudsynt spyle etter seg.

Torghandlarar som har løyve over fleire dagar plass kan la faste installasjonar stå på torget utanom salstidene. Slike avtalar kan kallast attende når som helst, og vognene må då fjernast. Om naudsynt kan kommunen fjerne vognene for eigar si rekning.

§ 8: Opningstider

Torghandel er tillate alle kvardagar i tidsrommet:

- Måndag – fredag : kl. 08:00 - kl. 20:00
- Laurdagar : kl. 08:00 - kl.18:00

På sundagar, heilagdagane og offentlege høgtidsdagane er torget stengt for handel. Torget kan likevel haldast ope dei sundagane i desember då forretningane elles kan halde ope i medhald av opningstidslova, og når forretningane har sein- eller nattope.

Geiranger og Hellesylt har turiststatus som er regulert i eiga lokal forskrift¹. Regelverket for dette overstyrer opnings- og lukningsvedtekne i dette reglementet.

Når særlege forhold gjer det ønskjeleg, kan servicekontoret einskilde dagar innskrenke / forlenge salstidene, eller heilt forby torghandel.

¹ Forskrift om Geiranger og Hellesylt som typiske turiststader, Stranda kommune, Møre og Romsdal. FOR-1999-05-25-498.

Ingen må setje fram sine varene sine tidlegare enn ein halv time før salstida startar.

§ 9: Parkering

Køyrety som ikkje vert nytta som salsbu kan ikkje parkerast på torget.

§ 10: Hygienereglar ved sal av matvarer

Seljar av næringsmiddel plikter å setje seg inn i og følgje dei til ei kvar tid gjeldande reglar og pålegg for kvalitet, hygiene og reinsemd frå helsemyndigheiter og Mattilsyn.

Ved sal av matvarer må ein ha godkjenning frå Mattilsynet. Slik godkjenning skal vere ordna på søknadstidspunktet.

På salsstaden må det vere skriftleg eller tilsvarande informasjon til publikum om kven det er som byr fram produktet.

§ 11: Tilkomst og ferdsel på torget

Torghandelen skal ikkje hindre fri ferdsel.

§ 12: Bortvising

Den som trass i oppmoding ikkje følgjer reglane kan bli vist bort frå plassen av den som har gitt løyve, og kan også bli nekta torgplass seinare.

§ 13: Klageorgan

Avslag på søknad og tilbakekalling av løyve kan klagast til næringsutvalet.

§ 14: Gjeldande kommunalt vedtak

Gjeldane reglementet er vedteke i kommunestyret 11.05.2011, KOM-sak 038/11, med endeleg fastsetjing av prisar for 2011 i næringsutvalet NU-sak 035/11 av 6.06.2011 og med ei tilføyning om maksimal leigetid i § 6.